

कान॑हीनेन॑ । अथो॑ स॒चेण॑ । वरो॑ दक्षि॑णा । वरे॑णैव
वरः॑ स्पृ॒णोति॑ । आ॒त्मा हि वरः॑ । एक॑विंशति॒र्दक्षि॑णा
ददाति॑ । एक॑विंशो वा इ॒तः स्व॒र्गो लो॒कः । प्र स्व॒र्गं
लो॒कमाप्नोति॑ ॥ ७ ॥

अ॒सावादि॒त्य एक॑विंशः । अ॒मुमे॒वादि॒त्यमाप्नोति॑ ।
श॒तं ददाति॑ । श॒तायुः॑ पु॒रुषः॑ श॒तेन्द्रि॑यः । आ॒युष्ये॒वे-
न्द्रि॒ये प्र॒ति॒तिष्ठति॑ । स॒हस्रं॑ ददाति॑ । स॒हस्र॑स॒म्मितः॑
स्व॒र्गो लो॒कः । स्व॒र्गस्य॑ लो॒कस्या॒भिजि॑त्यै । अ॒न्विष्ट॑कं
दक्षि॑णा ददाति॑ । स॒र्व्वाणि॑ व॒यांसि॑ ॥ ८ ॥

स॒र्व॒स्याथै॑ । स॒र्व॒स्याव॑रु॒ध्यै । यदि॑ न वि॒न्देत् । म॒-
न्याने॑ताव॒तो द॑द्यादो॒द॒नान्वा । अ॒श्रुते॑ तं का॒मम् ।
यस्मै॑ का॒माया॒ग्निश्ची॒यते॑ । प॒ष्ठौ ही॒त्वन्त॑र्व॒तीं द॑द्यात् ।
सा हि स॒र्व्वाणि॑ व॒यांसि॑ । स॒र्व॒स्याथै॑ । स॒र्व॒स्याव॑-
रु॒ध्यै ॥ ९ ॥

हि॒र॒ण्यं ददाति॑ । हि॒र॒ण्यज्योति॑रे॒व स्व॒र्गं लो॒कमे॑-
ति॑ । वा॒सो ददाति॑ । तेना॒युः प्र॒ति॒रते॑ । वे॒दितृ॑ती॒ये
य॒जेत॑ । चि॒षत्या॑ हि दे॒वाः । स स॑त्यम॒ग्निं चि॑नुते । तदे॒-
तत्प॑शुब॒न्धे ब्रा॒ह्मणं॑ ब्रूयात् । ने॒तरे॑षु य॒ज्ञेषु॑ । यो ह॒ वै
चतु॑र्होतृ॒ननु॑स॒वनं॑ त॒र्पयि॑त॒व्यान् वेद॑ ॥ १० ॥